



Aningaasaqarnermut Naalakkersuisoq

Ulloq: 12. august 2018
J.nr.: 01.31.06/18-00806

Aningaasaqarnermut Akileraartarnermullu Ataatsimiititaliap pingasunnornermi ulloq 8. august 2018-imi aalajangiineranik Naalakkersuisunut ilisimatitsineq.

Peqqinnissaqarfiup kontuanut pingaarnermut 34.11.02-mut, Napparsimasut nunani allani katsorsarneqartarnerat, tarnikkut nappaatit, ilassutitut aningaasaliissutit. - Suliaq nr. 01.31.06/18 - 00806.

Naalakkersuisut inassutigaa,

- ”- konto pingaarnermi 34.11.02, aningaasaliissutit Napparsimasut nunani allani katsorsarneqartar-nerat, tarnikkut nappaatit, 12.200.000 kr.-inik ilaneqassasut,
- konto pingaarnermi 20.05.31, aningaasaliissutit Kommunini aningaasartuutaa-nerusussanut immikkoortitat, 886.000 kr.-inik ilanngarneqassasut,
- konto pingaarnermi, 20.11.50 aningaasaliissutit Ingerlatsinermit sillimmatit, 6.854.000 kr.-inik ilanngarneqassasut aamma
- konto pingaarnermi, 20.11.73 aningaasaliissutit Inuusutissanik nammineq pilersornerulernissamut sillimmatit, 4.460.000 kr.-inik ilanngarneqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqu-taalu:

AI 2018-ip akuersissutigineqarnerani eqqartuussivitsigut pineqaatissinneqartut tallimaasi-masut, taakkulu juli 2018-imi qulingiluannorsimasut Naalakkersuisut paasissutissiis-sutigaat. Atuinerussutaasut eqqartuussivitsigut pineqaatissinneqarsimasut amerleri- arnerannik pissuteqartoq aammalu Peqqinnissaqarfik aningaasartuutitut taakkununga tunngatillu- gu aqutsinissaminut periarfissaqanngitsoq Naalakkersuisut paasissutissiissutigaat.

Aningaasartuutit taakku Danmarkimi inissii-nissamut katsorsaanissamulluunniit eqqartuussi- viit aalajangiinerat tunngavigalugit aningaasartuutigineqarnerat pissutigalugu aningaasartu- utit Naalakkersuisunit aqunneqarsinnaannginnerat ataatsimiititaliamit paasineqarsinnaavoq. Pinerluuteqarnerit tarnimikkut napparsimasunit piliarineqartut amerliartornerat unikaallat- sinniarlugu pinaveersaartitsinerit suut ingerlanneqarsinnaanersut paasissutissiissutigineqas- sasut ataatsimiititaliamit kissaatigineqarpoq.

Aningaasaqarnermut Akileraartarnermullu Aataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqar- nermit Akileraartarnermullu Ataatsimiititaliamit **akuerineqarput**.

Inussiarnersumik inuulluaqqusillunga

Hermann Berthelsen
Aningaasaqarnermut Akileraartarnermullu Ataatsimiititaliap siulittaasua